

গণপ্রজাতন্ত্রী বাংলাদেশ সরকার

তথ্য অধিদফতর



আঞ্চলিক তথ্য অফিস, ময়মনসিংহ



সংবাদকক্ষ : ০২-৯৯৬৬৬১৩৭০ E-mail- pidmymensingh@gmail.com, Facebook: Pid Mymensingh

## সংবাদ গতিধারা

স্থানীয় দৈনিকসমূহে প্রকাশিত সংবাদ, সম্পাদকীয়'র সারসংক্ষেপ, গুরুত্বপূর্ণ নিবন্ধ ও ফিচারের সংক্ষিপ্তসার  
সংখ্যা-১১৪/২০২২-২০২৩  
ময়মনসিংহ, ০৯ মার্চ, বৃহস্পতিবার ২০২৩, ২৪ ফাল্গুন ১৪২৯

আজকের স্থানীয় দৈনিক পত্রিকাগুলো নিম্নলিখিত বিষয়গুলোকে প্রাধান্য দিয়ে খবর ছেপেছে:

- ০১। দায়িত্ব নিয়ে বন্ধুনিষ্ঠ সংবাদ পরিবেশন করবেন: গৃহায়ন ও গণপূর্ত প্রতিমন্ত্রী
- ০২। বর্ণাঢ্য আয়োজনের মধ্য দিয়ে ময়মনসিংহ প্রেসক্লাবের ৬৪তম প্রতিষ্ঠাবার্ষিকী উদযাপন
- ০৩। ময়মনসিংহ সিটি কর্পোরেশনের উদ্যোগে আন্তর্জাতিক নারী দিবস পালিত
- ০৪। প্রধানমন্ত্রীর আগমন উপলক্ষ্যে ময়মনসিংহে চলবে ৮টি স্পেশাল ট্রেন
- ০৫। রমজান উপলক্ষ্যে বৃহস্পতিবার থেকে ৫ পণ্য বিক্রি করবে টিসিবি

**০১। দায়িত্ব নিয়ে বস্তুনিষ্ঠ সংবাদ পরিবেশন করবেন: গৃহায়ন ও গণপূর্ত প্রতিমন্ত্রী**

গৃহায়ন ও গণপূর্ত প্রতিমন্ত্রী শরীফ আহমেদ বলেছেন, সাংবাদিকরা জাতির বিবেক। এই পেশা মর্যাদাপূর্ণ পেশা। তাই দায়িত্ব নিয়ে বস্তুনিষ্ঠ সংবাদ পরিবেশন করবেন। মুক্তিযুদ্ধের চেতনায় বাংলাদেশকে এগিয়ে নিতে কাজ করবেন। বুধবার (০৮ মার্চ) সন্ধ্যায় ময়মনসিংহ প্রেসক্লাব মিলনায়তনে ময়মনসিংহ প্রেসক্লাব এর ৬৪তম প্রতিষ্ঠা বার্ষিকী উপলক্ষে গুণীজন সংবর্ধনা অনুষ্ঠানে প্রধান অতিথির বক্তব্যে তিনি এসব কথা বলেন। সূত্র: দৈনিক স্বদেশ সংবাদ, দৈনিক স্বজন।

**০২। বর্ণাঢ্য আয়োজনের মধ্য দিয়ে ময়মনসিংহ প্রেসক্লাবের ৬৪তম প্রতিষ্ঠাবার্ষিকী উদযাপন**

দিনব্যাপী বর্ণাঢ্য আয়োজনের মধ্য দিয়ে বুধবার (০৮ মার্চ) ঐতিহ্যবাহী ময়মনসিংহ প্রেসক্লাব এর ৬৪তম প্রতিষ্ঠাবার্ষিকী উদযাপন করা হয়েছে। এদিন সকালে প্রেসক্লাব প্রাঙ্গণে বেলুন উড়িয়ে দিনব্যাপী বর্ণাঢ্য আয়োজনের উদ্বোধন করেন সংস্কৃতি প্রতিমন্ত্রী কে এম খালিদ। পরে এক বর্ণাঢ্য র্যালি অনুষ্ঠিত হয়। র্যালি শেষে প্রেসক্লাব মিলনায়তনে কেবকাটা ও শুভেচ্ছা বিনিময় অনুষ্ঠিত হয়। প্রেসক্লাবের সভাপতি, ময়মনসিংহ জেলা প্রশাসক মো. মোস্তাফিজার রহমান এর সভাপতিত্বে এবং ক্লাব সাধারণ সম্পাদক অমিত রায় এর সঞ্চালনায় শুভেচ্ছা বিনিময় অনুষ্ঠানে বিশেষ অতিথি হিসেবে বক্তব্য রাখেন ময়মনসিংহ সিটি কর্পোরেশনের মেয়র মো. ইকরামুল হক টিটু, বিভাগীয় কমিশনার মো. শফিকুর রেজা বিশ্বাস প্রমুখ। সূত্র: দৈনিক স্বদেশ সংবাদ, দৈনিক স্বজন, দৈনিক ব্রহ্মপুত্র এক্সপ্রেস, আজকের বাংলাদেশ, দৈনিক ময়মনসিংহ প্রতিদিন, দৈনিক জাহান ও দৈনিক দেশের খবর।

**০৩। ময়মনসিংহ সিটি কর্পোরেশনের উদ্যোগে আন্তর্জাতিক নারী দিবস পালিত**

বিভিন্ন কার্যক্রমের মধ্য দিয়ে আন্তর্জাতিক নারী দিবস-২০২৩ পালন করেছে ময়মনসিংহ সিটি কর্পোরেশন। বুধবার (০৮ মার্চ) সকালে দিবসটি উপলক্ষে ময়মনসিংহ সিটি কর্পোরেশনের মেয়র মো. ইকরামুল হক টিটুর অংশগ্রহণে এক বর্ণাঢ্য র্যালি নগরভবন থেকে শুরু হয়ে টাউন হলে এসে শেষ হয়। টাউন হলে র্যালি পরবর্তী এক সংক্ষিপ্ত সমাবেশে দিবসটিকে প্রতিপাদ্য করে আলোচনা সভা অনুষ্ঠিত হয়। আলোচনা সভায় সিটি মেয়র প্রধান অতিথি হিসেবে বক্তব্য প্রদান করেন। সূত্র: দৈনিক স্বদেশ সংবাদ, দৈনিক ময়মনসিংহ প্রতিদিন, আজকের বাংলাদেশ, দৈনিক নিউ টাইমস, দৈনিক দেশের খবর, দৈনিক দিনের পালা।

**০৪। প্রধানমন্ত্রীর আগমন উপলক্ষে ময়মনসিংহে চলবে ৮টি স্পেশাল ট্রেন**

ময়মনসিংহে প্রধানমন্ত্রী শেখ হাসিনার আগমন উপলক্ষে ৮টি স্পেশাল ট্রেন চলবে। আগামী ১১ মার্চ ময়মনসিংহের সার্কিট হাউজ মাঠে প্রধানমন্ত্রী শেখ হাসিনা বিভাগীয় জনসভায় বক্তব্য রাখবেন। এ লক্ষ্যে ময়মনসিংহে ৮টি স্পেশাল ট্রেন চালানোর সিদ্ধান্ত নেয়া হয়েছে। বুধবার (০৮ মার্চ) বিকালে রেলওয়ের সহকারী চিফ অপারেটিং সুপারিন্টেন্ডেন্ট (পূর্ব) কামাল আখতার হোসেন স্বাক্ষরিত জরুরি বার্তায় এ তথ্য জানানো হয়। সূত্র: দৈনিক স্বদেশ সংবাদ, দৈনিক ময়মনসিংহ প্রতিদিন, দৈনিক স্বজন ও দৈনিক ব্রহ্মপুত্র এক্সপ্রেস।

**০৫। রমজান উপলক্ষে বৃহস্পতিবার থেকে ৫ পণ্য বিক্রি করবে টিসিবি**

পবিত্র রমজান মাস উপলক্ষে বৃহস্পতিবার (০৯ মার্চ) থেকে সারাদেশে ভর্তুকি মূল্যে পাঁচ পণ্য- চিনি, মসুর ডাল, সয়াবিন তেল, ছোলা ও খেজুর বিক্রি করবে ট্রেডিং কর্পোরেশন অব বাংলাদেশ (টিসিবি)। রাজধানীর তেজগাঁও, তিক্তত মোড় সংলগ্ন টিসিবির আঞ্চলিক কার্যালয়ের সামনে এ বিক্রি কার্যক্রম উদ্বোধন করবেন বাণিজ্যমন্ত্রী টিপু মুনশি। সূত্র: দৈনিক ময়মনসিংহ প্রতিদিন।

## সম্পাদকীয়

- (ক) **দৈনিক স্বদেশ সংবাদ ও আজকের বাংলাদেশ:** বিশ্ব স্বাস্থ্য সংস্থার (ডব্লিওএইচও) এর তথ্য অনুযায়ী, বিশ্বব্যাপী মোট মৃত্যুর অর্ধেকেরও বেশি মানুষের মৃত্যুর পেছনে রয়েছে ১০টি সুনির্দিষ্ট কারণ। যার মধ্যে শীর্ষস্থানে রয়েছে হৃদরোগ ও স্ট্রোক। এ অবস্থায় দেশের হাসপাতাল ও স্বাস্থ্যকেন্দ্রগুলোর সেবার গুণগত মান বৃদ্ধি এবং হৃদরোগ চিকিৎসায় ব্যবহৃত সরঞ্জাম ও ওষুধের সরবরাহ স্বাভাবিক রাখার পাশাপাশি এগুলোর দাম সাধারণ মানুষের ক্রয়ক্ষমতার মধ্যে রাখতে হবে।
- (খ) **দৈনিক স্বজন ও দৈনিক সবুজ:** সম্প্রতি রাজধানীর সায়েন্সল্যাব এলাকায় একটি তিনতলা ভবনে বিস্ফোরণের ঘটনা ঘটে। এতে আহত হয়েছে অর্ধশতাধিক, যাদের মধ্যে অনেকের অবস্থা আশঙ্কাজনক। দেশে প্রায়ই নানা ধরনের দুর্ঘটনা ঘটলেও এ ব্যাপারে করণীয় নির্ধারণ ও কার্যকর ব্যবস্থা, উদ্ধার প্রক্রিয়া যতটুকু থাকা দরকার তার প্রায় কিছুই নাই। এ ব্যাপারে সরকার স্বল্প ও দীর্ঘমেয়াদি পরিকল্পনা নিয়ে অগ্রসর হবে, এটাই প্রত্যাশা।
- (গ) **দৈনিক ব্রহ্মপুত্র এক্সপ্রেস:** কক্সবাজারের উখিয়া বালুখালী রোহিঙ্গা আশ্রয় শিবিরে ক্যাম্পের বি লকে অগ্নিকান্ডের ঘটনা ঘটেছে। বাড়িঘর, সহায়-সম্বল হারিয়ে রোহিঙ্গাদের অনেকেই এখন খোলা আকাশের নিচে। ক্ষতিগ্রস্ত রোহিঙ্গাদের জন্য দ্রুত শুকনো খাবার ও আশ্রয়ের জন্য আবাসের ব্যবস্থা নিশ্চিত করতে হবে।
- (ঘ) **দৈনিক জাহান:** অর্থনৈতিক খাতের বিশৃঙ্খলা নিয়ন্ত্রণে, বিশেষ করে ব্যাংকিং খাতে গুরুত্ব দিতে হবে। দেশের অর্থনীতিকে সচল রাখতে ব্যাংক, রাজস্ব ও আর্থিক খাতগুলো সংস্কারের মাধ্যমে সামনে এগোতে হবে।

## প্রবন্ধ/নিবন্ধ

- ০১। স্বাধীনতার মহাকাব্য- তোফায়েল আহমেদ (দৈনিক স্বজন)
- ০২। অস্থিরতাকে সম্ভাবনায় রূপ দিতে হবে- ব্রি. জে (অব.) হাসান মো. শামসুদ্দীন (দৈনিক জাহান, দৈনিক দেশের খবর ও দৈনিক সকালের দুনিয়া)
- ০৩। আর্থিক খাতে স্বচ্ছতা ও জবাবদিহির বিকল্প নেই- ড. সালেহ উদ্দিন আহমেদ (দৈনিক নিউ টাইমস)

#